

Guangjsih Minzcuz Bau

ganbhau: CN45-0036 B.2016 Nd.9 Ng.14 liggaueq bingjsaen nienz ndwenbet cibseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3241期

Yinhcwngz Yen Boqyiengj Diuz Go Daengx Yienh Vut Gungz Baenzfouq

忻城县吹响全县脱贫致富曲

Geij bi neix daeuj, Yinhcwngz Yen ndaetndi hopheux “lijyouz hwng yienh” canloz, haenqrengz saedyienh “lijyouz banggungz” gunghcwngz, baengh hakdoj Bouxcuengh daegsaek vwnzva binjbaiz, haenqrengz hwngfat nungzyez lijyouz daegsaek daihneix, nangqdaengz daiqdoengh vunzlai henzgyawj camgya lijyouz ginghyingz, gyalai bouxguhnaz souhauej, coicaenh lijyouz caeuq banggungz, canjnieb yungzhab hwngfat. Ciuq doengjgeiq 1 daengz 7 nyied, daengx yienh ciepdaih bouxhek 180.6 fanh vunzbaez, lijyouz cungjsouhauej 9.2 ik maenz.

It dwg baengh dieggingj lijyouz gyalai bouxguhnaz souhauej. Hawj bouxguhnaz henzgyawj dieggingj hag rox ginghyingz, ra ndaej hong guh, saedyienh “soengqlwedsik” banggungz yienq “cauxlwedsik” lijyouz bang-

gungz gvaqdoh, dwg cungj banhlap hengzguh “lijyouz banggungz” aen yienh neix he.

Ngeih dwg yungh ndei aen bingzdaiz densangh gya’ gvangq roenloh baenzfouq. Bineix doxdaeuj, aen yienh neix aeu lijyouz daegsaek caeuq densw sanghvu dox giethab, hwnjlaeb bingzdaiz cienzdaejvaq, yungh densangh coicaenh lijyouz, yungh lijyouz daiqdoengh densangh, byaij ok le diuz roenloh moq baenzfouq he. Seizneix, aen yienh neix Gujbnwngz Cin gaenq doenggvaq “Guengsae Densidaiz Gyaundeilajmbwn Cawx” veihsin densangh bingzdaiz siugai mienhdoj, dangzndingdoj, gyaecbitdoj 2800 goenggaen, hawj bouxguhnaz souhauej daih’iek 8 fanh maenz, Majsw Yangh Lamzmoiz Swnghdai Nungzcangh hix doenggvaq

densangh bingzdaiz gai ok makbakhom、mbawcaz、maenzcienz aeu daengj doxgaiq reihnaz saekloeg swnghdai 3385 goenggaen, souhauej 66168 maenz.

Sam dwg baengh hakdoj Bouxcuengh daegsaek vwnzva dwk ndei lijyouz binjbaiz. Cungfaen leihyungh hakdoj vwnzva、Bouxcuengh minzcuz vwnzva、nywjyinhhihcauj vwnzva, dwg diemjcaphauej Yinhcwngz Yen haiguh lijyouz banggungz he.

Aen yienh neix giethab minzsuz vwnzva swhyenz bonjdieg, haiguh minzsuz vwnzva hozdung lai cungj lai yiengh, bangcoh hwnjguh lijyouz binjbaiz, dawz Yinhcwngz lijyouzyez doicoh gizdieg engqgya gvangqlangh bae, coicaenh daengx yienh caenhvaiq saedyienh “lijyouz vut gungz”.

(Lanz Cunchcwngz/蓝忠成)

SIUSIK DINJ 简讯

● Yungzanh Yen youq seiz ginghci hwngfat gig yawjnaek baujhoh vanzging, cungfaen leihyungh gijndei swhyenz raemx fungfouq dangdieg, cungdenj hwngfat saekloeg nwnzzyenz caeuq swnghdai gunghyez、byaij ok diuz roen swnghdai hab diegbya hwngfat he. Ciuq doengjgeiq, aen yienh neix seizneix miz 13 aen gak loih suijdenca, cungcanghgi yungzlieng 8.65 cienvax, bi canjciz 4 ik maenz baedauq.

(Danz Gaijinhing Cinz Ginghoz)

● Mboengqneix, Ginhsiu Yauzcuz Swciyen Cangzdung Yangh Vwnzvacaen banh vwnzyi guzgan beizyinhbanh, iucingj lauxsae vwnzva’ gvanj aen yienh neix doiq gyoengq yozyenz guh lijln sonyinx nem yienhciegsonhag, 35 boux vwnzyi guzgan camgya le beizyinhbanh, caenh’ itbough daezsang gij lijln suyangj caeuq giyi vwnzyi guzgan, vih aen yienh neix vwnzva saehnieb hwngfat dwkroengz giekdaj maenhndei.

(Coz Suh)

● Geij bi neix daeuj, Sanhgyangh Duncuz Swciyen Danhcouh Cin doenggvaq diegnamh riuzcienj, yungh gij vunqsik “ranzungzhoh haeujgij+lijswevei guenleix+cwngfuj sonyinx”, youq henz lohgozdau 209 haenqrengz hwngfat makbyaek、dinfaex、va、youqndwi lijyouz daengj “it mbanj it yiengh” daegsaek canjnieb, haenqrengz daezsang gij yauqik leihyungh diegnamh, hawj bouxguhnaz dangdieg youq gyawj couhnieb cauxnieb, racienz goq ranz cungj mbouj nguh.

(Gungb Bujganh)

● Geij bi neix daeuj, Yungzsuij Myauzcuz Swciyen dawz vwnzva minzcuz buen daengz gwnz daizheiq lajmbanj yienj, hawj vunzlai gag guh bouxyienj baijyienj fungcingz vwnzva daegbied Myauzcuz, yinx ndaej haujlai bouxhek daeuj yawjngonz. Ciuq doengjgeiq, bi 2016 buenq bi gonq, aen yienh neix gaenq ciepdaih bouxhek 252.25 fanh vunzbaez, lijyouz cungjsouhauej 17.27 ik maenz.

(Cangh Ailinz)

自治县老干部局 “山歌传递正能量”



Lungzswng: Eu Fwen Cienzndeq Naengzliengh Ndei

龙胜:山歌传递正能量

Mboengqneix, Lungzswng Gak Cuz Swciyen youq Lungzciz Cin banh “eu fwen cienzndeq naengzliengh ndei” fwenhoih, gyoengq canghfwen ganbu geq caeuq vunzlai gak cuz dangdieg giethab dangqnaq haiguh cingcinj bangrex、swnghdai lajmbanj hwnjguh daengj neiyungz, yungh gij hingzsi eu fwen senhconz fuengcim cwngecwz dangj, fatyengz cingqheiq, cienzndeq naengzliengh ndei. Ndaw doz dwg canghfwen youq gwnz fwenhoih roengzsim eu fwen.

(Vuz Swnghbinh/吴生斌)

Ginhsiu Banh Vahyauz Lanzmoeg Bouxcujciz Genjleh Doxdax

金秀举办瑶语栏目主持人选拔赛

9 nyied 6 hauh banringzgvaq, Ginhsiu Yauzcuz Swciyen Vahyauz lanzmoeg bouxcujciz genjleh doxdax youq Aen Cungsime Yisuz Yauzcuz aen yienh neix banh, cib lai boux bouxcoz Yauzcuz daj ndaw yienh Mbanjyauz daeuj haenx camgya doxdax.

Doxdax yungh gij fuengsik gangjdoeg Vahbujdungh、gangjdoeg Vahyauz、gaujguen cam vwndiz、doxgyau doxlwnh daengj, ginggvaq baenz caengz baenz caengz genjleh,

doeklaeng seiq boux camgya doxdax ndaej hingz haenx ndaej doigawj hawj yienh densidaiz, vih lanzmoeg Vahyauz yaek boqcuengq haenx caepcawq ndei vunzcaiz. Doengzseiz, boux camgya doxdax maenhndei couh miz gihvei cujciz aen yienh neix “Yauzduh sinzyin” “Yauzyin sinhbaiz” daengj binjbaiz biujyienj cezmu.

Baez doxdax neix youz Ginhsiu Byayauz Youzmenz Vwnzva Cuzcinvei aen yienh neix cujciz guh, muzdiz dwg

genjleh bouxcujciz Vahyauz cezmu maenhndei, vih Vahyauz lanzmoeg yaek boqcuengq haenx dwkroengz giekdaj, doengzseiz fatyengz vwnzva conzdungj Yauzcuz, cienzndeq gij yinxdaeuz vahgangj conzdungj Yauzcuz, gikfat gij gikcingz caeuq gyaenzgah beixnuengx Mbanjyauz hagsib Vahyauz, caux ok vanzging ndei yungh Vahyauz, vih swncienz vwnzva Vahyauz daezhawj bienhleih.

(Cau Yilanz/赵玉兰)